

II. An facere possit visitationem personalem Capitularium, in casu &c.  
Sac. Cong. Conc. die 13. Septembris 1721. respondit: Ad I. & II. affirmative, dummodo elapsus sit annus a die ultime visitationis facta ab ordinario.

ASTEN. Officii Fabricerii, in qua ad seq. dub.  
57 I. An electio ad officium Fabricerii in personam D. Canonici Goria sustineatur in casu, & quatenus affirmative.

II. An Canonici Goria sit excusandus ab acceptatione dicti officii, in casu, & quatenus negative.

III. An exercere teneatur per se ipsum, vel illud exercere valeat per suum Coadjutorem, aut alium ex Beneficiatis ejusdem cathedralis ab ipso substituendum, in casu &c.  
Sac. Cong. Conc. die 2. Octobris 1721. respondit: Ad I. affirmative, ad II. negative: ad III. negative quoad primam partem, affirmative ad secundam; negative ad tertiam.

BITECTEN. in qua ad seq. dub.  
58 I. An obtinens primum beneficium, sive liberæ collationis, sive de jure patronatus laicorum, ad sui sustentationem sufficiens, possit absque dispensatione apostolica retinere secundum de jure patronatus laicorum, in casu &c.

II. An obtinens duo beneficia, sive liberæ collationis, sive de jure patronatus laicorum, minime sufficientia ad congruam sustentationem, possit retinere tertium, & quartum de jure patronatus laicorum absque dispensatione apostolica, in casu &c.

III. An id, quod procedit in retentione beneficiorum, procedere etiam debeat in legatis piis, & capellanis de jure patronatus laicorum, in casu &c.  
Sac. Cong. Conc. die 6. Decembris 1721. respondit: Ad I. negative. Ad II. negative, & ad mentem: ad III. negative.

LUCANA Funerum, in qua ad sequent. dub.  
59 I. An cadavera defunctorum sepelienda in ecclesia Patrum Minorum Observantium Terræ Petræ Sanctæ, antequam ad eorum ecclesias deferantur, debeant prius asportari ad parochialem, & eorum ibi debeat fieri expositio usque ad horam sepulturæ, & quatenus negative.

II. An Parochus teneatur restituere ceram, & alia emolumenta percepta occasione associationis, & expositionis in sua ecclesia cadaverum Angelæ, & Annæ, in casu &c.  
Sac. Cong. Conc. die 14. Martii 1722. respondit: Ad I. negative, ad II. affirmative.

VELITERNA, in qua ad seq. dub.  
60 I. An Canonici collegiatae ecclesiæ oppidi di Core teneantur quotidie missam conventualem celebrare, & quatenus affirmative.

II. An teneantur quotidie dictam missam conventualem applicare pro benefactoribus, & quatenus affirmative.

III. An, & quæ exemptio, sive à celebratione, sive ab applicatione missæ conventuales iisdem, attenda præbendarum tenuitate, sit indulgenda, in casu &c.  
Sac. Cong. Conc. die 14. Martii 1722. respondit: Ad I. affirmative: ad II. affirmative: ad III. posse indulgeri, ut missas applicant diebus tantum festis de præcepto.

VITERBIEN. Visitacionis sacrorum liminum, in qua ad sequens dub.  
61 An Patres Capuccini Capellani trimerium Summi Pontificis excipere possint Confessiones remigum sine approbatione Episcopi Viterbiensis, & aliorum in trimeribus degentium, sive quando remiges, & alii sunt in darrena, sive quando remiges, alique in trimeribus degentes sunt in civitate Centum Cellarum, in casu &c.  
Sac. Cong. Conc. die 18. Aprilis 1722. respondit: Posse Patres Capuccinos sine approbatione Ordinarii Viterbiensis, & cum sola approbatione Urbis Vicarii excipere Confessiones remigum, & aliorum in trimeribus continuo

degentium, tam in ipsis trimeribus, quam in portu, & receptaculo vulgo Darrena, & in horpitiis in darrena existente, sed non posse eosdem Patres Capuccinos excipere eorumdem Confessiones in civitate Centum Cellarum sine approbatione Ordinarii Viterbiensis.

JANUEN. Jurisdictionis, in qua ad sequens dub.  
62 An, & de cujus bono jure constet procedendi in criminalibus contra Canonicos, & Capitulares Metropolitanæ Januæ. una cum, vel sine adjunctis, etiam ad effectum manutentionis, in casu &c.

Sacra Cong. Concil. die 4. Julii 1722. respondit: Constare de bono jure Eminentiis Archiepiscopi procedendi in criminalibus contra Canonicos sine adjunctis etiam ad effectum manutentionis.

MELPHITEN. in qua ad sequent. dub.  
63 I. An Edicum Reverendissimi Episcopi sustineatur, & quatenus affirmative.

II. An sit toleranda gestatio perucchæ in casu, de quo agitur &c. Vide ibi, ubi afferuntur plura decreta prohibentia gestare peruccham in celebratione missæ.  
Sac. Cong. Concil. die 8. Augusti 1722. respondit: Ad I. affirmative. Ad II. negative in casu de quo agitur.

ULIXBONEN. Occidentalibus in quo ad seq. dub.  
64 I. An liceat Confessariis Regularibus Monialium iisdem subjectarum habitare in mansionibus sitis in atriis monasteriorum muro circumvallatis, & quæ sunt contigua monasteriis, & habent portam, quæ clauditur, in casu &c.

II. An famuli & famulæ Monialium seculares in iisdem mansionibus degentes teneantur recipere sacramentum Eucharistiæ tempore paschali à Parochis in quorum Parochiis monasterium, & mansiones sitæ sunt, in casu &c.?

III. An ad dictos Parochos spectet Sacramenta dietis famulis, & famularum ministrare in casu ultimæ infirmitatis, in casu &c.  
Sac. Cong. Concil. die 17. Septembris 1722. respondit: Ad I. negative. Ad II. affirmative. Ad III. affirmative & amplius in omnibus.

SPOLETANA, in qua ad seq. dub.  
65 I. An Canonici collegiatae ecclesiæ S. Petri civitatis Spoletæ, teneantur quotidie missam conventualem celebrare, & quatenus affirmative.

II. An teneantur quotidie dictam missam conventualem applicare pro benefactoribus, & quatenus affirmative?

III. An & quæ exemptio, sive à celebratione, sive ab applicatione missæ conventuales iisdem, attenda præbendarum tenuitate, sit indulgenda, in casu &c.  
Sac. Cong. Concil. die 19. Decembris 1722. respondit: Ad I. & II. affirmative. Ad III. pro gratia quoad applicationem tantum, ut in Viterbiana 14. Martii 1722.

MONTIS MARANI servitii ecclesiæ, in qua ad sequent. dub.  
66 I. An Presbyteri ecclesiæ Vulturaræ teneantur canere missas, anniversaria defunctorum, & alia divina officia, in ecclesia, & choro cum cotta, veste talari, & birreto clericali, in casu?

II. An in missis anniversariis canendis pro defunctis, teneantur canere Sequentiam Diei ire, in casu &c.

III. An in missis prædictis canenda sit epistola in choro, vel potius ante altare in cornu epistolæ ab uno de Clero, in casu &c.

IV. An missa canenda sit cum assistentia saltem Clerici cotta induti, vel potius sine cotta, & licitum sit laico inservire Celebranti, in casu &c.  
Sac. Cong. Concil. die 30. Januarii 1723. respondit: Ad I. affirmative. Ad II. affirmative. Ad III. quoad primam partem negative, ad secundam affirmative. Ad IV. Missam esse canendam cum assistentia saltem Clerici cotta induti.

JANUEN. Jurisdictionis, in qua ad seq. dub.  
An

67 I. An Conservator Venerabilis collegii Patrum Societatis Jesu civitatis Januæ, tam in casibus, quàm extra casus manifestæ violentiæ, vel injuriæ, possit procedere, sive Patres Societatis sint Auctores, sive Rei?

II. An pendente aliqua lite coram Ordinario Metropolitanò semel introducta cum Patribus Societatis Jesu, post eorum consensum in jurisdictionem, liceat iisdem convolare ad Judicem Conservatorem?

III. An in supradicto casu litis jam introductæ, ut supra, inhibitorio Conservatoris, si quæ fiat Ordinario, & Parti, illiusque successiva decreta annullativa actorum ab Ordinario post dictam inhibitionem factorum, sint attendenda?

Sac. Cong. Concil. die 20. Februarii 1723. respondit: Ad I. affirmative, in casibus tamen manifestæ violentiæ, & injuriæ, & quando Patres sunt Rei. Ad III. negative.

SORONA. Funerum, in qua ad seq. dub.  
68 I. An constet de electione sepulturæ facta per Flaminium Marini in ecclesia Patrum Carmelitarum, & quatenus affirmative.

II. An sit locus exhumationis, & restitutioni cadaveris, & emolumenta ad ecclesiam tumulantem spectantia sint restituenda, in casu &c.  
Sac. Cong. Concil. die 24. Aprilis 1723. respondit: Ad I. & II. affirmative, in casu & amplius.

CREMONEN. in qua ad sequent. dub.  
69 I. An Præposito S. Leonardi invitato, & renuente, ut impedito intervenire processioni occasione festi Nativitatis B. M. V. adhuc confratres Mortis oppidi Casalis Majoris illam facere possint absque licentia dicti Præpositi, in casu &c.

II. An dicti confratres facere possint eandem processionem cum interventu Capellani, aut alterius Sacerdotis per ipsos, non autem per Præpositum destinandi, in casu &c.

III. An Præposito S. Leonardi, & simul confratres dictæ confraternitatis competant duo suffragia, vel unum dumtaxat in Congregationibus ejusdem confraternitatis, in casu &c.  
Sac. Cong. Conc. die 5. Junii 1723. respondit: Ad I. affirmative intra ambitum proprii Oratorii, extra vero ambitum negative, nisi Episcopi licentia accedat. Ad II. affirmative. Ad III. negative quoad primam partem & affirmative quoad secundam.

AQUILANA. Jurisdictionis, in qua ad seq. dub.  
70 I. An Episcopo accedenti ad visitandum monasteria Monialium PP. Coelestinis subjectarum, debeantur in ingressu ecclesiæ solitæ honorificentia, & præminentia, omnesque actus reverentiales, ac associari, tam in ingressu, quàm in egressu ecclesiæ à prædictis PP. Coelestinis?

II. An Moniales prædictæ teneantur tradere Episcopo visitanti librum Regularum, & teneantur similiter subire ad solitas crates onus personalis visitationis quoad clausuram spectantis?

III. An Episcopus possit solus cum suis Convisitatoribus ingredi, & visitare clausuras prædicti Monialium absque interventu P. Abbatis Coelestinorum?

IV. An Episcopus possit visitare nedum crates, & monia exteriora prædictorum monasteriorum, sed etiam chorum interiore, dormitoria, cellas, aliaque loca pro clausuræ custodia?

V. An possit Episcopus occasione S. Visitacionis habere sermonem spiritualem prædicti Monialibus tam intra, quàm extra septa monasterii?

VI. An possit Episcopus nedum visitare altaria, & capellas ecclesiarum prædictorum monasteriorum, in quibus beneficia, aliaque onera missarum insint, verum etiam & Tabernaculum cum altari majori?

Sacra Congregat. Conc. die 31. Julii 1723. respondit: Ad I. affirmative quoad Ministros Officiales monasterii, & quoad Confessarios ejusdem tantum. Ad II. negative quoad primam partem, affirmative, quoad secundam. Ad III. IV. & V. affirmative. Ad VI. negative.

MELEVITANA Jurisdictionis, in qua ad sequent. dub.

I. An Decanus cathedralis ecclesiæ, ad quem spectat convocare Capitulum, teneatur, Sede Episcopali vacante, petere licentiam à Vicario Capitali pro convocandis Capitalibus, in casu &c.

II. An ipso Decano absente, renuente, aut aliis quomodolibet impedito, facultas convocandi Capitulum devolvatur ad successivas Dignitates, & Canonicos gradatim, exclusis eorum Coadjutoribus, in casu &c. & quatenus affirmative.

III. An Vicarius Capitalis possit procedere ad censuras contra Decanum, & Dignitates, & Canonicos convocantes Capitulum sine licentia, in casu &c.

IV. An Decanus, Dignitates, & Canonici convocantes Capitulum, uti valeant quacumque persona pro intimandis Capitalibus, necnon quocumque Notario casu, quo Cursores, & Cancellarius eorum officium præstare recuset, in casu &c.

V. An Dignitas, seu Canonicus Capitulum præsidens teneatur certiorum reddere Vicarium Capitulum ab sentem de resolutionibus Capitalibus, & quatenus affirmative, quibus remediis procedi possit contra recusantem, in casu &c.

VI. An actus registratus in cancellaria Episcopali die 30. Augusti 1721. de Ordine Vicarii Capitalis in quo supponitur, Decanum petisse ab eo licentiam convocandi Capitulum, subsistat, vel potius sit annullandus, & delendus, in casu &c.

VII. An sustineatur inhibitorio transmissa Decano, & Canonici die 13. Aprilis 1722. de mandato Vicarii Capitalis sub pena excommunicationis majoris ipsi facto incurrendæ, in casu &c.

VIII. An actus registratus in cancellaria episcopali die 17. Octobris 1721. de Ordine Reverendissimi Episcopi, in quo supponitur, Decanum petisse à Vicario Capitali licentiam sub conditione, subsistat, vel potius sit annullandus, in casu &c.

Sac. Cong. Concil. die 18. Septembris 1723. respondit: Ad I. negative. Ad II. affirmative quoad primam partem & quoad secundam habebitur ratio in casibus particularibus, visis literis Coadjutorum. Ad III. negative. Ad IV. affirmative. Ad V. negative. Ad VI. & VIII. ad mentem; & mens est quod deleantur. Ad VII. negative.

ORDINIS S. FRANCISCI, in qua ad seq. dub.  
72 An decretum hujus Sacræ Congregationis editum die 17. Julii 1700. quo dictum fuit servandum esse solitum, ita sit intelligendum, ut Indulgentia Portuiculae æquari possit à Christianidelibus à vespere kalendarum Augusti ad vespere diei sequentis non semel, licet pluries debitis intercedentibus requisitis, ecclesias Ordinum S. Francisci pluries visitaverint, sed toties, quoties easdem ecclesias dicta die debitis intercedentibus requisitis visitaverint.

S. C. C. die 4. Dec. 1723. respondit, servetur solitum.

URBIS, in qua ad seq. dub.  
73 Quomodo se gerere debeat Parochus S. Spiritus in Saxia in collatione Baptismatis Infantibus, qui ad Archihospitale deferuntur, sive iidem habeant schedulam de Baptismo testantem, sive non habeant, & etiam si ex colore, & ceteris corporis qualitatibus deprehendantur, eosdem esse constitutos in ætate sex, aut decem mensium, vel unius anni cum dimidio?

Sac. Cong. Conc. die 15. Januarii 1724. respondit: Esse baptizandos sub conditione in omnibus casibus expositis juxta instructionem, & instructio est, quod excipiantur à Baptismo sub conditione casus schedulae, quæ habet certitudinem.

NOVARIEN. in qua ad seq. dub.  
74 I. An denuntiationes matrimoniorum, & Ordinariorum, aliaque similes functiones parochiales faciende sint in celebratione missæ parochialis, quæ celebratur in parochiali, & collegiata Burgi Manerii, seu potius liceat Præposito, & Parocho ejusdem collegiatae illas facere in

in celebratione missæ conventuali contradicente Capitulo, in casu &c.

II. An liceat eidem Præposito, & Parocho habere conciones ad Populum in diebus Dominicis, & festiuis inter celebrationem dictæ missæ conventualis absque consensu Capituli, in casu &c.

Sac. Cong. Conc. die 8. Julii 1724. respondit: *Ad I. arbitrio Parochi. Ad II. affirmative, dummodo fiant ex suggestu, & non excedant medietatem horæ.*

**BONONIEN.** in qua ad sequentia dubia.

75 I. An constet de validitate translationis Ven. confraternitatis Salutis ab ecclesia villa Fontanæ ad ecclesiam hospitalis Peregrinorum S. Antonii Abbatis terræ Medicinæ, in casu &c.

II. An sustineatur Breve Apostolicum concessionis perpetuæ ecclesiæ modo dicti hospitalis pro exercitio functionum ecclesiasticarum confraternitatis, in casu &c.

III. An valeat eadem confraternitas ab ecclesia hospitalis prædicti Imaginem B. Mariæ Virginis Conceptionis singulis annis in festo S. Pii V. seu Dominica eidem festiuitati sequenti ad dictam ecclesiam villa Fontanæ processionaliter transferre. Subinde die sabbati immediate post festiuitatem S. Augustini ad dictam ecclesiam S. Antonii terræ Medicinæ restituere; necnon successivo die Dominico missa solemni, ac vespers cum cantu celebratis, processionem generalem facere per dictam terram Medicinæ, in casu &c.

IV. An hujusmodi processione expleta possit Capellanus confraternitatis superpelliceo, & stola indutus, absente, vel etiam renuente Parocho, populum benedicere, in casu &c.

V. An liceat eidem confraternitati facere aliam processionem Penitentis nuncupatam in una ex diebus Hebdomadæ Sanctæ, in casu &c.

VI. An sustineatur aggregatio confraternitatis facta Archiconfraternitati Cincturatum Bononiæ, in casu &c.

VII. An ratione privilegiorum ejusdem archiconfraternitatis liceat ipsi confraternitati facere processiones in quartis Dominicis cujuslibet mensis, & aliis, tam intra, quam extra ambitum ecclesiæ, in casu &c.

VIII. An liceat eidem confraternitati celebrare per annum missas privatas, solemnes, tam pro vivis, quam pro defunctis, in casu &c.

IX. An liceat confraternitati Salutis sepelire in propria ecclesia cadavera confratrum, & consoriorum, qui ibidem elegerint sepulturam, & an ejusdem Capellanus, absente Parocho, valeat officium, aliasque functiones super iisdem cadaveribus explere, in casu &c.

X. An eidem confraternitati liceat associare SS. Eucharistiæ Sacramentum, & cadavera defunctorum cum aliis confraternitatibus, atque cum ipsis interesse processionibus, in casu &c.

XI. An liceat dictæ confraternitati facere Novenas ante solemniore sue ecclesiæ festiuitates cum Expositione Sanctissimi, necnon tempore infirmitatis alicujus confratris velatem Pixidem exponere, & ipsius Capellano in prædictis functionibus populum benedicere, in casu &c.

XII. An liceat eidem confratribus recitare in dicta ecclesia hospitalis Peregrinorum S. Antonii horas canonicas cum cantu, vel absque cantu, in casu &c.

XIII. An in sæpedita ecclesia confraternitatis haberi possint publicæ functiones de tempore dictarum Novenarum, & publicationis Indulgentiarum, aliarumque ecclesiasticarum functionum, in casu &c.

XIV. An eidem confraternitati liceat quæstare tam intra, quam extra territorium Castri Medicinæ, in casu &c.

XV. An liceat confratribus S. Mariæ Salutis saccis indutis processionaliter ad ecclesiam archiepiscopalem accedere ad effectum Sacram Eucharistiam sumendi, tum in solemnitate Paschali pro satisfaciendo præcepto ecclesiæ, tum in aliis diebus infra annum; & an Archipresbyter eidem dicto modo accedentibus teneatur

tur Sacram Eucharistiam subministrare, in casu &c.

S. C. C. die 28. Julii 1724. respondit: *Ad I. & II. affirmative; ad III. affirmative, de licentia tamen Ordinarii: ad IV. affirmative in propria ecclesia, negative extra propriam: ad V. affirmative, de licentia tamen Ordinarii: ad VI. affirmative; ad VII. affirmative intra ambitum, negative extra ambitum: ad VIII. affirmative quoad missas privatas tam pro vivis, quam pro defunctis, quo vero ad solemnes pro vivis affirmative, & quoad solemnes pro defunctis serventur constitutiones synodales: ad IX. affirmative ad primam partem, & quoad secundam negative; nisi Parochus vocatus renuat, vel alium Sacerdotem non substituat: ad X. affirmative, dummodo sit invitata: ad XI. serventur constitutiones synodales: ad XII. affirmative; ad XIII. affirmative in omnibus de licentia Ordinarii: ad XIV. & XV. arbitrio Ordinarii, & amplius in omnibus.*

**SAVONEN.** in qua ad sequent. dub.

I. An *Ædes* Sacra S. Mariæ de Areneto sit ecclesia publica, vel oratorium privatum, in casu &c.

II. An sit constet de nullitate, & injustitia Interdicti, & respective suspensionis à divinis, in casu &c. quibus die 28. Julii 1724. responsum fuit: *Dilata, & fiat Placita judiciali &c. At impetrata nova audientia proponitur dubium.*

An sit standum, vel recedendum à decisis, in casu &c.

Sacra Congregat. Concil. die 9. Septembris 1724. respondit: *Prævio recessu à decisis, ecclesiam esse publicam, facta tamen per Senatorem Imperialem in publico Instrumento declaratione, se nullum jus habere in area sita ante ecclesiam, necnon quod claves, tam ecclesiæ, quam Arce prædictæ retineantur à Capellano, & ad D. Secretarium cum Sanctissimo pro declaratione, quod area non gaudeat immunitate; & quoad II. affirmative, & amplius.*

**MONTIS FALISCI,** in qua ad sequent. dub.

I. An onus anniversarii, & missarum annualium sit perpetuum, vel potius temporale ad vitam hæredum testamentariorum?

II. Quæ quantitas missarum intelligatur sub nomine anniversarii, & missarum annualium?

III. An sub nomine anniversarii, & missarum annualium, intelligatur numerus, & idem onus, seu potius sint onera diversa, & distincta?

IV. An poena iuncta in casu contraventionis sit temporalis, restricta ad primos hæredes, vel potius perpetua, repetita in aliis successive hæredibus?

V. An Orator teneatur in solidum, vel pro sua virili tantum, & quid super aliis bonis per ipsum possessis, & emptis ab aliis hæredibus?

Sac. Cong. Concil. die 16. Decembris 1724. respondit: *Ad I. negative ad primam partem, & affirmative ad secundam, & in reliquis satis provisum in primo.*

**TURRITANA,** in qua ad sequentia dubia.

I. An Vicario Capitulari Turritano liceat procedere in causis Canonicorum Ecclesiæ Metropolitanæ, tam in communi, quam in particulari, non obstante illius suspensione, seu recusatone per eosdem Canonicos, seu Capitulum allegata, in casu &c.

II. An competat Capitulo Metropolitanæ Turritano facultas recipiendi recusationes Vicarii Capitularis per Diocesanos Turritanos propositas, seu proponendas, & respective deputandi Arbitros pro admitendis, seu rejiciendis causis earundem recusationum, in casu &c.

III. An præfato Capitulo Ecclesiæ Metropolitanæ licitum fuerit recipere suspensiones, seu recusatationem ejusdem Vicarii coram ipso propositas per R. D. Antonium Murgiam Rectorem Ecclesiæ Parochialis de Ossi, & R. P. Antonium Franciscum Serram Plebanum ecclesiæ parochialis de Osilo, in casu &c.

IV. An Censuræ relaxatæ per eundem D. Vicarium Capitularem adversus Archipresbyterum, Decanum, & Canonicum antiquiorem prædictæ ecclesiæ, sustineantur, in casu &c.

Sac. Congreg. Concil. die 16. Decembris 1724. respondit:

pondit: *Ad I. affirmative: ad II. & III. affirmative: ad IV. negative.*

**TURRITANA,** in qua ad sequens dubium.

An, & in qua parte sit standum, vel recedendum à decisis die 16. Decembris 1724.

Sac. Congreg. Concil. die 13. Januarii 1725. respondit: *Ad I. & II. in decisis. Ad III. recedendum à decisis. Ad IV. in decisis.*

**ASCULANA,** in qua ad sequent. dub.

80 I. An liceat confratribus confraternitatis Sanctissimi Suffragii Terræ Offidæ convocare Congregationes tam generales, quam particulares, ac devenire ad electionem Officialium, aliaque negotia confraternitatis proponere ac determinare absque licentia, & assistentia Reverendissimi Episcopi, seu Vicarii Foranei, aut alterius Personæ per Reverendissimum Episcopum deputandæ, & quatenus affirmative.

II. An saltem Reverendissimus Episcopus in aliquo casu per se, vel per alium ab ipso deputandum possit intervenire dictis Congregationibus generalibus, & quatenus affirmative.

III. An Episcopus, seu Persona per eum deputanda possit suffragium ferre?

IV. An liceat Reverendissimo Episcopo removere Officiales, & Ministros à confratribus electos, quatenus non sint idonei, & graves exceptiones patiantur?

V. An Officiales teneantur reddere rationem eorum administrationis Ordinario, sive in actu visitationis, sive alio tempore, & in quo loco?

VI. An Officiales, sive Confratres possint acceptare legata, & pecunias relictas à testatoribus invertire, vel in usus à testatoribus destinatos, sive in alios erogare absque licentia Ordinarii?

S. Cong. Concil. die 24. Martii 1725. respondit: *Ad I. II. IV. & VII. affirmative: Ad III. negative: Ad V. affirmative, tam in actu visitationis, quam extra, & in loco ab Episcopo designando, in terra tamen Offidæ. Ad VI. negative, & quoad legata pure lucrativa, & erogationem in usus à testatoribus designatos affirmative, sed cum participatione Episcopi.*

**JANUEN.** in qua ad sequentia dubia.

81 I. An, & de cujus licentia Sacram Eucharistiam recipere debeant Moniales, quæ eam recipere volunt ultra dies statutos à constitutionibus, vel à consuetudine monasterii, ut in illis omnes Moniales communicent?

II. Quomodo se gerere debeat Superiorissa monasterii circa retentionem clavis parvæ fenestæ per quam sumitur à Monialibus Eucharistia, in casu &c.

Sac. Congreg. Concil. die 14. Aprilis 1725. respondit: *Ad I. de licentia Confessarii ordinarii, & non Directorum, prævia participatione Prælati Ordinarii. Ad II. servandum esse decretum S. Congreg. Episcoporum, & Regular. die 5. Septembris 1617.*

**DERTONEN.** Jurium parochialium, in qua ad sequ. dub.

82 I. An occasione processionum, seu funerum faciend. cum interressentia Capituli, teneatur Parochi incedere sub cruce Capituli, seu potius an, & sub qua cruce sit incedendum?

II. Starium frumenti oblatione funerarum patris, vel matris familias, aliaque oblatione funebres, an, & pro qua rata dividi debeant inter ecclesiam collegiatam, & Parochos?

III. An Canonicus ecclesiæ collegiatæ habitans in domo sita intra fines alterius parochiæ, ex quo dicta ecclesia collegiata careat adibus canonicibus, teneatur in ultima infirmitate recipere Sacramenta ab ecclesia collegiata, vel potius à Parocho domicilii, in casu &c.

Sac. Congreg. Concil. die 14. Aprilis 1725. respondit: *Ad I. affirmative quoad primam partem, & quoad secundam satis provisum in prima: ad II. in decisis: ad III. Dilata, & exhibeatur Breve Gregorii XV.*

**NEAPOLITANA Capellanarum,** in qua ad sequent. dub.

FERRAR. BIBLIOTHEC. TOM. X.

I. An Capellani de quibus agitur, possint obtinere 83 beneficia Curata, vel Economias ecclesiarum parochialium, aut incumbentes expediendi Confessiones Monialium, vel alia onera cum celebratione missarum incompatibilia acceptare, satisfaciendo per substitutos oneri prædictarum missarum?

II. An Capellani pro aliqua die cujuslibet hebdomadæ legitime impediti, qui missarum celebrationem per alium Sacerdotem satisfaciunt, debeant huic Sacerdoti persolvere stipendium pro Capellanis statutum, vel solam eleemosynam manualementem?

III. An ad Capellanos uti supra impeditos, vel potius ad Officiales, vel Governatores domus pertinet substituere Sacerdotes missam celebrare debentes?

IV. An Capellani durante infirmitate teneantur oneri missarum satisfacere per substitutum, in casu &c.

Sac. Congreg. Concil. die 14. Aprilis 1725. respondit: *Ad I. negative, hoc est, quoad incompatibilia cum celebratione missarum per se ipsos: ad II. negative quoad primam partem, affirmative quoad secundam: ad III. affirmative ad primam, negative ad secundam partem: ad IV. affirmative quoad Capellanos institutos à Clemente VIII. & quoad institutos à Clemente XI. exhibeatur Breve, & amplius.*

**BRUGNATEN. Collegialitatis,** in qua ad sequent. dub.

An constet de collegialitate ecclesiæ S. Stephani 84 Pontis Sigestri, in casu &c.

Sac. Congreg. Concil. die 14. Aprilis 1725. respondit: *Negative, & amplius.*

**GNESNEN.** in qua ad sequentia dubia.

I. An Archiepiscopus Gnesnen. potuerit procedere 85 ad exigendam redditionem rationis absque Adjunctis, in casu &c.

II. An censura relaxatæ per eundem Archiepiscopum sustineantur, in casu &c.

Sac. Congreg. Concil. die 14. Aprilis 1725. respondit: *Ad I. affirmative. Ad II. negative.*

**LUNEN. Sarzanen. Præminentiarum,** in qua ad sequentia dubia.

I. An post erectam ecclesiam S. Mariæ de populo 86 in collegiatam competat Archipresbytero Sanctorum Hippolyti, & Cassiani de Saliceto jus canendi missam in dicta ecclesia collegiata die festo Sanctissimi Corporis Christi?

II. An processio dicta die faciendæ cum Venerabili competat dicto Archipresbytero illam inchoando à dicta ecclesia collegiata, vel ab alia ecclesia intus oppidum Pontremoli privative ad dictum Præpositum, & Capitulum dictæ collegiatæ, sive potius jus faciendi dictam processionem prælative pertineat ad dictum Præpositum, & Capitulum respectu dicti Archipresbyteri, & aliorum & Parochorum dicti Oppidi?

III. An idem Præpositus collegiatæ teneatur recipere Olea Sacra à manibus dicti Archipresbyteri Sanctorum Hippolyti, & Cassiani, seu potius iste teneatur illa recipere per manus dicti Præpositi?

IV. An Præpositus prædictus, & Capitulum teneatur processionaliter quotannis in vigilia Ascensionis Domini nostri adire, & visitare dictam ecclesiam SS. Hippolyti, & Cassiani, in casu &c.

Sac. Congreg. Concil. die 9. Junii 1725. respondit: *Ad I. negative: ad II. negative quoad primam partem, & affirmative quoad secundam: ad III. negative quoad utramque partem: ad IV. affirmative ratione præ consuetudinis tantum.*

**ATRIEN.** in qua ad sequ. dub.

An cessio bonorum obstat Michaeli quin ad Sacros 87 Ordines promoveri possit, in casu &c.

Sac. Congreg. Concil. die 23. Junii respondit: *non esse promovendum.*

**VIENEN. Jurium parochialium,** in qua ad sequ. dub.

I. An, & cui competat jus administrandi Sacramen- 88 ta,

ta, & alia jura parochialia exercendi in domo, & intra septa Commendæ Sacri Ordinis Teutonici civitatis Viennensis. tam quoad Familiam Commendatarii, quam quoad subditos, Vassallos, & Colonos Commendæ, & alios Inquilinos ejusdem domus in casu, &c. & quatenus affirmative respectu Parochi quoad mere Inquilinos.

II. An Parochus teneatur petere licentiam à Commendatario pro tempore ad effectum ingrediendi dictam domum, & septa Commendæ, ibique administrandi eisdem Inquilinis Sacramenta, ac alia jura parochialia exercendi, in casu &c.

S. C. C. die 13. Julii 1725. respondit: *Ad I. Comperere Parocho quoad Inquilinos, & quoad reliquos scribatur Nuntio & Archiepiscopo juxta instructionem; ad II. negat.*

REATINA, in qua ad sequent. dub.

I. An sit procedendum ad executionem Brevis Datarie super impedimento affinitatis ex copula illicita, in casu &c. & quatenus affirmative?

II. An consensus à contrahentibus sit renovandus coram Parocho, & testibus, in casu &c.

S. C. C. die 13. Julii 1725. respondit: *Ad I. affirmative obienta dispensatione per Secret. à Sanctiss. super falsa imputatione præsensorum impedimentorum, de quibus agitur. Ad II. affirmative.*

SAVONEN. in qua ad sequent. dub.

I. An constet de sufficientia fructuum pro erigendis Capellanis, in casu &c. & quatenus affirmative?

II. An debeant esse perpetuae, vel manuales?

III. An, & quibus competere debeat jus nominandi, in casu &c.

S. C. C. die 4. Augusti 1725. respondit: *Ad I. Affirmative juxta modum præscribendum ab Eminentiſſimo Praefecto, & amplius. Ad II. debere esse manuales, & amplius. Ad III. spectare ad Officiales Confraternitatis.*

ROMANA, seu BONONIEN. in qua ad seq. dub.

I. An distributio dotium fieri debeat puellis Romanæ degentibus, vel potius puellis in civitate Bononiæ habitantibus, & quatenus fieri debeat puellis in Urbe degentibus.

II. An ex gratia indulgeri possit hæredi, ut medietatem dotium distribuatur puellis in Urbe degentibus, & aliam medietatem puellis in civitate Bononiæ commorantibus?

Sacr. Cong. Concil. die 22. Septembris 1725. respondit: *Ad I. quoad primam partem affirmative, quoad secundam negative. Ad II. negative.*

CATHACEN. in qua ad sequent. dub.

I. An professio Fidei sit emittenda tam à Canonicis cathedralis, quam collegiarum?

II. An eadem emitti possit per Procuratorem?

III. An sit emittenda coram Episcopo, aut ejus Vicario, & deinde coram Canonicis capitulariter congregatis?

IV. Quibus penis subiaceant non emittentes, vel debito modo non emittentes professionem Fidei?

Sacr. Cong. Concil. die 9. Februarii 1726. respondit: *Ad I. esse emittendam à Canonicis cathedralis, & non collegiarum: ad II. negative: ad III. emittendam esse coram Episcopo, aut ejus Vicario, & etiam coram Canonicis capitulariter congregatis, sufficere tamen si emittatur coram Capitulo, cui Episcopus, vel Vicarius generalis intersit: ad IV. non facere fructus suos, sed distributiones lucrari pro horis quibus intersunt.*

LANCIANEN. in qua ad sequent. dub.

I. An Ordinatus ad titulum beneficii teneatur in illius resignatione individualiter exprimere, se fuisse ad ejus titulum ordinatum?

II. An hæc individua expressio suppleatur per assertivam, forsâ ordinatus?

III. An constare debeat per probationes concludentes, resignantem habere, quo commode vivere possit?

IV. An hæc probatio censetur adimpleta per solam confessionem juratam resignantis?

V. An resignans teneatur aliud beneficium habitum, vel alia bona subrogare beneficio resignato?

VI. An hæc subrogatio faciendâ sit per Episcopi declarationem, in casu &c.

Sacr. Cong. Concil. die 9. Februarii 1726. respondit: *Ad I. affirmative. Ad II. negative, & ad mentem, & mens est quod hæc resolutio habeat locum in futuris resignationibus. Ad III. V. & VI. affirmat. Ad IV. negat.*

AUXIMANA, in qua ad sequent. dub.

An Rectores beneficiorum, Capellani, alique celebrantes in ecclesia collegiata singuli teneantur solvere utensilia Capitulo dicte ecclesie, & pro qua summa, in casu &c.

Sacr. Cong. Concil. die 25. Februarii 1726. respondit: *Rectores beneficiorum, Capellanos perpetuos, Canonicos obtinentes ultra Canonatum Capellanis perpetuas, & ipsum Capitulum pro rata onerum perpetuorum teneri ad solutionem utensilium Sacristie ad rationem unius oboli pro qualibet missa, exceptis tantum à solutione utensilium missis adventitiis, & amplius.*

VOLATERRANA, in qua ad sequent. dub.

I. An Patres Conventuales S. Francisci Montis Aerei invitati, accedentes ad funus convenire debeant in ecclesia parochiali ejusdem loci, inde omnes una cum Parocho processuri ad locum, ex quo defunctus est efferendus?

II. An cadavera defunctorum in ecclesia PP. Minorum Conventualium sepelienda, antequam ad eorum ecclesiam deferantur, debeant prius asportari ad parochialem, seu potius recto tramite deferri ad ecclesiam patrum? & quatenus affirmative quoad primam partem.

III. An super cadaveribus primo transportatis ad parochialem possit Archiepiscopus exequias, vel alias funebres functiones peragere, & aliquam funeris partem accipere?

IV. An Archiepiscopus associando cadavera sepelienda in ecclesia Patrum Conventualium teneatur accedere sub illorum cruce, seu potius valeat propriam crucem elevare? & quatenus affirmative quoad secundam partem.

V. An Archiepiscopus dicti loci possit ingredi cum cruce, & stola eorum ecclesiam, & super cadaveribus defunctorum ibidem tumulandorum officium peragere?

VI. An Archiepiscopus debeat quarta pro illis defunctis, qui ibidem tumulantur, seu potius eidem obset exemptio? & quatenus affirmative quoad primam partem.

VII. An Archiepiscopus dempta prædicta quarta restituere teneatur cadavera Thomæ Fabri, Sebastiani Burtini, & Joannis Mangoni, & emolumenta desuper percepta?

VIII. An Archiepiscopus teneatur invitare Patres ad officia, quæ in parochiali peragi solent, seu potius eisdem Patribus quamvis non invitatis liceat antedictis officiis intervenire?

IX. An liceat Patribus invitare populum ad faciendam officia pro animabus Purgatorii in eorum ecclesia?

X. An liceat Patribus Conventualibus ducere processiones extra claustra, præter quam in casibus comprehensis in transactione anni 1703.

XI. An liceat Patribus Conventualibus exponere in eorum ecclesia Ven. Eucharistiæ Sacramentum, & populo benedicere?

Sacr. Cong. Concil. die 16. Martii 1726. respondit: *Ad I. affirmative: ad II. negative, nisi Defunctus, vel hæres aliter ordinaverint: ad III. affirmative, quoad primam partem: & quoad secundam debere Parocho intortitia tantum, quæ ponitur circa cadavera: ad IV. affirmative quoad primam partem, negative quoad secundam: ad V. negative: ad VI. servetur constitutio Sanctissimi Domini Nostri à die editæ ejusdem: ad VII. quoad Thomam & Sebastianum, teneri etiam quoad quartam, sed non*

non esse cadavera exhumanda, & quoad Joannem, Parocho non teneri: ad VIII. negative: ad IX. affirmative: ad X. negative, nisi de consensu Parochi, vel de licentia Episcopi: ad XI. affirmative, accedente consensu Ordinarii, & amplius.

FLORENTINA, in qua ad sequent. dub.

I. An Presbyteri Missionis possint celebrare, & respective canere missas, ac vesperas solemnes in festo Dedicationis S. Michaelis Archangeli in ecclesia ejusdem Sancti nuncupata delle Romite, contradicente, seu dissentiente Parocho S. Quirici nuncupato delle Marignole, in casu &c.

II. An itidem Sacramenta Pœnitentiæ, & Eucharistiæ administrare, & doctrinam christianam docere, contradicente Parocho, in casu &c.

Sacr. Cong. Concil. die 30. Martii 1726. respondit: *Ad I. affirmative: ad II. affirmative, dummodo doctrina christiana non fiat in hora, in qua sit in parochia.*

CREMONEN. in qua ad sequent. dub.

I. An sit standum, vel recedendum à decisio sub die 5. Junii 1723. quoad secundum dubium?

II. An Confraternitas Oratorionis, & Mortis oppidi Casalis Majoris aggregata Archiconfraternitati Urbis, possit sine licentia Episcopi in suo oratorio exponere Eucharistiam infra annum, & præcipue 40. horarum in octava defunctorum, aliasque functiones peragere juxta assertum Institutum, in casu &c. & quatenus negative.

III. An sufficiat semel dictam licentiam petere, tam pro expositione infra annum, quam 40. horarum, aliisque functionibus juxta d. ass. Institutum, seu potius illa requiratur toties quoties?

IV. An petita, & non obtenta dicta licentia, habeatur pro concessa, in casu &c.

Sacr. Cong. Concil. die 13. Aprilis 1726. respondit: *Ad I. in decisio: ad II. negative quoad primam partem, & quoad secundam explicantur functiones: ad III. servetur solitum: ad IV. negative, & amplius in omnibus.*

FULGINATEN. in qua ad seq. dub.

I. An delatio Venerabilis in processione, quæ singulis annis fieri solet die ultima Aprilis, sit faciendâ à Capellano Confraternitatis, vel potius à Parocho, in casu &c.

Sacr. Cong. Concil. die 18. Maii 1726. respondit: *Delationem esse faciendam à Capellano Confraternitatis de licentia Episcopi.*

MANTUANA, in qua ad seq. dub.

I. An sit locus gratiæ pro aperiitione fenestrarum, & constitutione mansuetudinæ ad effectum audiendi missam, & assistendi ceteris divinis officiis celebrandis in ecclesia parochiali S. Cathaldi favore D. Comitum Theodosii, & aliorum de Panzalis, in casu &c.

Sacr. Cong. Concil. die 18. Maii 1726. respondit: *Negative, & amplius.*

CALARITANA, in qua ad seq. dub.

I. An Vicarius Capitalaris recusari possit ex legitima causa? & quatenus affirmative.

II. An competat Capitulo facultas deputandi Arbitros, qui de causis recusatationis cognoscant? & quatenus affirmative.

III. An idipsum locum habeat, quando Vicarius procedere debeat cum Adjunctis &c.

Sacr. Cong. Concil. die 6. Julii 1726. respondit: *Ad I. affirmat. ad II. affirmat. in casu &c. ad III. affirmat.*

DERTHONEN. in qua ad seq. dub.

I. An, & de quibus constet, attentatis, & quomodo sint purganda?

II. An Archiepiscopus ecclesie collegiata oppidi Pontis Curani fuerit, & sit obligatus subministrare vicinum, & hostias Capellanis, aliisque Presbyteris de Cleto celebrare volentibus, vel obligatis ad celebrandum

missas in eadem ecclesia, & quatenus negative.

III. An, & quomodo prædictas Archiepiscopus sit reintegrandus de expensis pro vino, & cera, & hostiis subministratis ab anno 1717. usque ad diem 25. Martii inclusive anni 1722. & in qua summa?

IV. An sint reficiendæ expensæ litis, & in qua summa, in casu &c.

S. C. C. die 6. Julii 1726. respondit: *Ad I. quoad Clerum propter recursum ad Judices laicos Eminentiſſimus Archiepiscopus procedat prout de jure, quo vero ad Archiepiscopus circumscribenda esse omnia gesta post intimationem Brevis cum omnibus inde secutis: ad II. Archiepiscopus non teneri ad subministranda utensilia, de quibus agitur, illis, qui celebrant in sua ecclesia ex obligatione beneficii, sive capellanis, exceptis illis, cum quibus habeat conventiones particulares, & quoad missas adventitias teneri ad dictam administrationem, quatenus permittat eos in sua ecclesia celebrare, nec teneri ad has missas adventitias admittendas, nisi solutis utensilibus per Celebrantes: ad III. affirmative juxta resoluta in secundo dubio: ad IV. non esse reficiendas expensas factas occasione litis in hac S. Congregatione, & quoad alias ad Eminentiſſim. Metropolitanum prout de jure.*

TRIVICANA, seu TRICARICEN. in qua ad seq. d.

I. An mobilia, libri, pecunia, argentea, aliaque bona (præter sacra paramenta bon. Mem. Simonis Vignini prius Episcopi Trivicani, & postea Tricariceni) reposita tempore ejus obitus spectent ad ecclesiam Trivicanam, vel potius ad ecclesiam Tricaricem, in casu &c.

II. An paramenta, & vasa sacra, aliaque argentea, & suppellectilia ad usum capellæ, & cultum divinum destinata, reposita ut supra, debeantur ecclesie Trivicanae, vel potius dicte ecclesie Tricariceni, in casu &c.

III. An argentea, mobilia, aliaque bona ab ecclesia Trivicana commodata dic. bon. mem. Episcopo Vignino, tunc Episcopo Trivicano, debeant eidem ecclesie Trivicanae restitui, in casu &c. & quatenus affirmative.

IV. An, & à quo, & ex quibus bonis, illis non extantibus, debeat solvi illorum pretium, in casu &c.

S. C. C. die 6. Julii 1726. respondit: *Ad I. & II. pertinere ad ecclesiam Trivicanam: ad III. affirmative: ad IV. solvendâ esse ex hereditate Episcopi.*

COMPASANA Spolii, in qua ad sequentia dub.

I. An in obitu Parochorum civitatis, & diocesis Compasanae liceat Archiepiscopo pro tempore ab hereditate Parochi defuncti exigere præsentium spoliis? & quatenus affirmative.

II. In qua summa, vel rebus sit solvendum, in casu &c.

S. C. C. die 6. Julii 1726. respondit: *Ad I. negative: ad II. satis provisum in primo.*

FLORENTINA, in qua ad seq. dub.

I. An adhuc subsistat Matrimonium in Judaismo contractum inter Riccam & Abraham? & quatenus affirmative.

II. An Abraham post suam, & Blanchæ conversionem teneatur ad redeundum cum Ricca, & Blancham relinquendam? & quatenus affirmative.

III. An Ricca cogi possit ad cohabitandum cum Abraham ad Fidem converso? & quatenus affirmative.

IV. An Summ. Pontif. dispensare possit, ut Abraham conversus remaneat in Matrimonio in infidelitate, ut supra, contracto cum Blancha? & quatenus affirmative.

V. An consilium præstandum sit Sanctiss. Dominico nostro pro concessione dicte dispensationis, in casu &c.

S. C. C. die 27. Julii 1726. respondit: *Ad I. & II. affirmative: in reliquis dilata: & scilicet Theologi, Canonici, & perquirant exempla, & ad mentem.*

PLACENTINA, in qua ad seq. dub.

I. An Episcopo Placentino liceat visitare ecclesiam

BIBLIOTECA CENTRAL

campestrum S. Mariz de Albiano Pontis Nurii? & quatenus affirmative.

II. An liceat Patribus Carmelitis in eadem ecclesia celebrare consuetas festivitates sine licentia, & assistentia Parochi, & in ea sedes confessionales retinere, in casu &c.

III. An celebratio festi S. Firmi & aliarum festivitatum expleta in oratorio S. Mariz de Albiano post comminatum Interdictum sit attentata, ita ut omnes actus supradicti sint circumscribendi, in casu &c.

S. C. C. die 17. Augusti 1726. respondit: Ad I. affirmative, jure tamen delegato: ad II. affirmative: ad III. negative.

POLICASTREN. in qua ad seq. dub. I. An sustineatur novum assignamentum subrogationis capitalium in locum bonorum stabilium, in casu &c. & quatenus negative.

II. An sit locus novo assignamento, & quatenus affirmative.

III. Super quibus bonis, & quomodo sit faciendum? S. C. C. die 17. Augusti 1726. respondit: Ad I. negative: ad II. negative, & esse manutenendam assignationem factam ab Episcopo de Rosa, reservato jure Capellano agendi super bonis hereditariis in casu deficientie assignatorum, prout de jure: ad III. provisum in preecedentibus, & amplius.

URITANA, in qua ad seq. dub.

I. An Officiales Patentati Commendæ SS. Mauriti, & Lazari sint exempti à jurisdictione Ordinarii, in casu &c.

S. C. C. die 7. Sept. 1726. respondit: negative.

II. An, & in qua parte sit standum, vel recedendum à decisis die 6. Julii 1726.

S. C. C. die 28. Septembris 1726. respondit: Quoad I. & II. in decisis, & quoad III. non esse molestandos quoad præteritum illos, qui celebrant missas adventitias, quatenus acquiescant resolutioni, & ad IV. in decisis, sed teneri pro virili, & amplius.

URGELLEN. in qua ad seq. dub.

I. An erectio Canonicius in LeGloralem, & ejusdem collatio sustineatur, in casu, & quatenus affirmative.

II. An Canonicius Theologalis concionari possit per alium, & quatenus id facere possit, petita licentia à Capitulo, sufficiat, quod eam petat, vel ulterius necessarium sit, quod obtineat?

III. An constet de recursibus ad Judices Laicos, in casu &c.

IV. Quomodo sit providendum in casu &c.

S. C. C. die 28. Septembris 1726. respondit: Quoad II. teneri petere, & obtinere licentiam à Capitulo saltem recurru ad Episcopum. In reliquis ad Judicem executorem in literis datum.

BAMBERGEN. Canonicius, in qua ad seq.

I. An, & ad quem spectet jus conferendi Canoniciatum collegiatum ecclesie S. Stephani Bambergen. in casu &c. & quatenus spectet ad Eminentissimum Ordinarium?

II. An collatio dicti Canoniciatus per ipsum facta favore Joan. Josephi Lobenhoffer sit valida? & quatenus negative.

III. An provisio Apostolica dicti Canoniciatus favore ejusdem Joan. Josephi sustineatur, in casu &c.

S. C. C. die 28. Sept. 1726. respondit: Ad I. spectare ad Turnarium: ad II. satis provisum in primis ad III. negative, & amplius.

PORTUGALLEN. in qua ad seq. dub.

I. An Interdictum ecclesiarum per Vicarium Capitularem Portucallen. appositum in ecclesia, seu capella publica patrona Beat. Joanne sustineatur, in casu &c.

II. An oblationes factæ, & faciendæ Ven. Imagini

d. Beatæ in dicta capella spectent ad Parochum S. Faustini de Regoa, vel potius sint applicandæ usui, commodo, & decori d. Imaginis, dictaque adicula, in casu &c.

III. An ad dictum Parochum, vel potius ad fundatricem capellæ prædictæ, seu personam ecclesiasticam ab ipsa deputandam, & ab Ordinario approbandam spectet administratio dd. oblationum, in casu &c.

IV. An in capella prædicta possint celebrari missæ votivæ tam solemnes, quam privatæ, alique ex particulari devotione, etiam per Sacerdotes d. capellam visitantes absque licentia d. Parochi, in casu &c.

V. An Sacerdotes, sive seculares, sive Regulares ad celebrandas missas votivas eligi possint à Patrona fundatrice, & successoribus in patronatum independentem à sæpedito Parocho, in casu &c.

VI. An sit concedendum fundatrici habere, & retinere sepulchrum in dicta capella paronali pro se, & suis successoribus, in casu &c.

VII. An sit concedenda exemptio dictæ capellæ patronalis Portucallen. Sede Episcopali vacante, à Jurisdictione Capituli Portucallen. cum subjectione immediata Sedi Apostolicæ, ejusque Nuntio pro tempore in regno Lusitaniz degenti, in casu &c.

S. C. C. die 11. Januarii 1727. respondit: Ad I. negative: ad II. negative quoad primam partem, & affirmative quoad secundam: ad III. spectare ad Parochum una cum economo ecclesiastico ab ipomet Episcopo deputando, & in casu vacationis episcopatus à Merropolitano: ad IV. & V. affirmative quoad privatas tantum: ad VI. affirmative, salvo jure: ad VII. negative.

VIENNEN. Jurium parochialium, in qua ad seq. d. I. An, & cui competat jus administrandi Sacramenta, & alia jura parochialia exercendi in domo, & intra septa Commendæ S. Ordinis Theutonicæ, civitatis Viennæ, tam quoad familiares Commendatarii, quam quoad subditos, vassallos, & colonos Commendæ?

II. An, & qua pompa Parochus ingredi debeat domum, & septa Commendæ occasione, administrandi Sacramenta inquilinis ejusdem domus, in casu &c.

S. C. C. die 8. Febr. 1727. respondit: Ad I. competere Capellano Commendæ per Ordinarium approbando jus administrandi Sacramenta familiaribus tantum actu intervenientibus intra septa domus Commendæ, & sub obedientia Commendatarii viventibus juxta Bullam Gregorij XIII. & quoad reliquos negative: & scribitur Nuntio juxta Instructionem: ad II. ingredi debere cum pompa majori, qua fieri solet in Urbe Viennæ. & scribatur eidem Nuntio juxta Instructionem.

MANTUANA, in qua ad seq. dub.

Quomodo, & in qua summa liceat Parochis secularibus exigere quartam funeralem ab ecclesiis Regularium, in casu &c.

S. C. C. die 8. Febr. 1727. respondit: Solvendum esse à Regularibus medietatem, tam cereorum, qui deferuntur pro viam, quam aliorum, qui accenduntur in ecclesia circa cadavera, & castum Doloris, & Alitaria.

AUXIMANA Procurationis, in qua ad seq. dub.

I. An procuratio sit præstanda per tributum ab omnibus Parochis, Beneficiatis, Ecclesiis, Monasteriis, & Confraternitatibus Montis Philoptrani? & quatenus affirmative.

II. An Parochi, qui sustinuerunt totum pondus Procurationis in retroactis visitationibus, sint proportionate liter reintegrandi, & à quo fieri debeat reparitio, & exactio, in casu &c.

S. C. C. die 15. Martii 1727. respondit: Ad I. affirmative: ad II. affirmative pro ultimis procurationibus, & amplius.

TIBURTINA, in qua ad seq. dub.

I. An in electionibus Abbatissarum in monasteriis sub disciplina Regularium Minor. de Observantia possit Episcopus secum conducere Cancellarium, & quatenus affirmative.

II. An liceat eidem Cancellario interesse, ac assistere scrutinis, ac electionibus Abbatissarum, quæ fiunt in monasteriis Monialium Ordinis Minorum de observantia Tiburis? & quatenus negative.

III. An saltem dictus Cancellarius, durante scrutinio, permanere possit intra ecclesiam, in casu &c.

S. C. C. die 26. Aprilis 1727. respondit: Ad I. affirmative: ad II. negative: ad III. nec Cancellarium, nec Fratres, exceptis Superiore, & Scrutatoribus, permanere posse intra ecclesiam.

ROMANA, in qua ad seq. dub.

An, & à quo sint solvenda utensilia pro celebratione missæ quotidianæ, & ad quam rationem, in casu &c. ita ut sit standum, vel recedendum à decisis die 24. Augusti 1720.

S. C. C. die 10. Maii 1727. respondit: Prævio recessu à decisis, utensilia esse solvenda à Capellano ad rationem scutorum quatuor quolibet anno, & ad Eminentissimum Præfatum.

MACERATEN. in qua ad seq. dub.

An Episcopus Maceraten. possit jure ordinario visitare confraternitatem sub invocatione S. Mariæ Misericordiz erectam in ecclesia ejusdem tituli, sita in castro Urbisaglia, quamvis in solo Basilicæ Lateranensis edificata sit, in casu &c.

S. C. C. die 10. Maii 1727. respondit: affirmative.

MAZARIEN. in qua ad seq. dub.

I. An Episcopus habens facultatem dandi benedictionem Apostolicam constitutis in articulo mortis, teneatur quoad Moniales eam committere earum Confessario ordinario, vel potius sit in ejus facultate aliquando ingredi monasterium, ut eis det benedictionem, & quatenus affirmative quoad secundam partem.

II. An, & quibus sociis comitatus monasterium ingredi debeat.

III. An Episcopus, & Confessarii, sive Ordinarii, sive extraordinarii ingredi possint monasterium absque ulla limitatione, quando videntur ab aliqua Moniali infirma, quæ pro sua devotione velit confessionem explere?

IV. Quænam sint conditiones requisitæ, ut Regulares habentes facultatem dandi habitum suæ Regionis mulieribus non collegialiter viventibus, dictum habitum dare possint, & an examen dictarum facultatum pertineat ad Episcopum?

S. C. C. die 10. Maii 1727. respondit: Ad I. negative quoad primam partem, & ad secundam affirmative, & ad Dominum Secretarium cum Eminentissimo Secretario Brevium: ad II. debere ingredi in casu, de quo agitur cum Confessario Monialium, & uno probato Sacerdote per eum eligendo: ad III. uniantur decreta: ad IV. examen facultatum concedendi habitum pertinere ad Sedem Apostolicam: Examen conditionum quoad mulieres vestiendas, & licentiam vestiendi pertinere ad Ordinarium: Et conditiones vestiendarum esse expressas in decretis generalibus aliis editis, & hæc decreta esse omnino servanda.

VALVEN. seu SULMONEN. in qua ad seq. dub.

I. An Ecclesia noviter constructa in terra Scanni sub invocatione S. Mariæ Liberatrici sit subjecta jurisdictioni Episcopi Valven. & Sulmonen. & respectively Parocho ecclesie Matricis ejusdem terræ, ita ut liceat Parocho, & Clero ecclesie Matricis exercere actus jurisdictionales, & gerere functiones sacras absque dependentia à laicis?

II. An liceat in eadem ecclesia habere sepulchra, & respective possint cadavera tumulari absque licentia, & in præjudicium jurium parochialium?

III. An Patres Conventuales terræ Scanni vocati à Prioribus, & Officialibus laicis ecclesie constructæ in dicta terra sub invocatione S. Mariæ Liberatricis ad celebrandum missas, easque canendum in dicta ecclesia, atque alia similia peragendum, possint impediri,

& prohiberi; & quatenus &c. pro quibus actibus, & à quo, in casu &c.

S. C. Concil. die 10. Maii 1727. respondit: Ad I. Ecclesiam esse subjectam Episcopo quoad jura Episcopalia, & Parocho quoad jura parochialia: ceterasque sacras functiones posse in ea fieri à Parocho, & Clero, volente Episcopo absque alia dependentia à laicis: ad II. licere habere sepulchra, accedente licentia Episcopi, & posse in eis cadavera tumulari, si eligatur sepultura absque licentia Parochi, sed salvis juribus parochialibus: ad III. affirmative, & doceatur de legitima erectione Confraternitatis.

FLORENTINA, in qua ad seq. dub.

I. An Archiepiscopus visitans ecclesias, & vicarias subjectas monasterio Cassinensium, possit exigere Procurationem in casu &c. & quatenus negative.

II. An teneatur Archiepiscopus restituere procuraciones exactas, in casu &c.

S. C. C. die 7. Junii 1727. respondit: Ad I. negative: ad II. esse restituendas pecunias depositas.

NOVARIEN. in qua ad seq. dub.

I. An occasione delationis cadaverum sive parochie S. Crucis, sive alienæ, ad ecclesiam exteriorem Monialium Cappuccinarum Parocho S. Crucis pertinet jus funerum cum cruce, & stola private ad Confessarium dictarum Monialium, seu potius ipsi Confessario, & an in supposito debeatur ipsi Parocho quarta funeris cere etiamsi positæ super altare, esto, quod cadaver sit aliena parochia?

II. An possit Parochus in eadem ecclesia, & in suffragium defunctorum inibi tumulorum explere anniversaria cum officio, & missa in cantu, sive ex devotione hæredum, sive ex dispositione testatorum?

III. An liceat ipsi Parocho in Sabbato Sancto benedicere collocutoriis, aut Januæ monasterii, vel hospitio Tertiariorum connoxo, tum etiam Tertiariis ipsis administrare Sacramenta, sive in vita, sive in morte, vel eorum exequias peragere pro tumulo intra ipsam ecclesiam?

IV. An valeat Parochus in dicta ecclesia assistere Matrimonis, vel eorum denuntiationes facere, aut benedictiones mulierum post partum, vel similes impetiri, in casu &c.

S. C. C. die 23. Augusti 1727. respondit: Ad I. quoad primam partem affirmative, ad secundam negative, ad tertiam servetur solitum: ad II. affirmative quoad anniversarium relictum à Pedrello, & quoad alia coadjuventur probationes: ad III. negative quoad primam partem, & ad secundam, ad mentem: ad IV. negative, & amplius in omnibus.

ACERRARUM, in qua ad seq. dub.

I. An Canonici ecclesie cathedralis Acerrarum teneantur certiorare Reverendissimum Episcopum de Capitulo per eos explendo circa materias concernentes interesse ejusdem Capituli, & quatenus affirmative.

II. An, & quomodo sit certiorandus.

III. An prædictis Canonici liceat ab eorum diocesi abesse absque licentia Episcopi, & quatenus negative.

IV. An sustineatur edictum Reverendissimi Episcopi, etiam quoad absentiam paucorum dierum, & respective trium mensium à S. Concil. Trident. concessorum?

V. An pena ducatorum 12. imposita per Episcopum adversus Canonicos non intervenientes Congregationi casuum moralium, & sacrorum rituum sustineatur, sive potius sit moderanda?

VI. An Canonici, qui respondere debent casibus moralibus in dicta Congregatione proponendis teneantur pati extractionem, ut dicitur à sorte, sive potius sit servanda consuetudo respondendi?

VII. An, & quanto tempore se expedire debeat Episcopus à sua visitatione?

VIII. An pena ducatorum centum ab Episcopo

imposita contra Canonicos absentes de tempore visitationis absque eius licentia, sustineatur?

IX. An sustineatur edictum Episcopi prescribens modum accedendi ad chorum ad effectum recitandi horas canonicas, sique observandum, sive potius sit servanda consuetudo, & idem edictum moderandum?

X. An dicti Canonici ultra missam conventualem teneantur quoque celebrare missam de Feria, & an dictam missam conventualem teneantur applicare pro Benefactoribus, sive potius sit servanda consuetudo?

XI. An dicti Canonici teneantur quolibet mense celebrare anniversarium pro Benefactoribus, sive potius sit servanda consuetudo?

XII. An dicti Canonici ultra horas canonicas teneantur quoque in choro recitare officium defunctorum, B. M. Virginis, & psalmos penitentiales, & graduales, sive potius sit servanda consuetudo? & quatenus affirmative.

XIII. An in casu deficientiæ sit exequenda poena ab Episcopo imposita?

XIV. An Canonici infirmi pro lucrands distributionibus quotidianis teneantur servare edictum Episcopi, sive potius sit servanda consuetudo?

XV. An Praefati Canonici teneantur inservere eorum ecclesiae alternative, & per hebdomadam, sive potius quotidie, & quatenus affirmative quoad secundam partem?

XVI. An suspensio imposita per eundem Episcopum in casu absentiae sustineatur, & quatenus affirmative.

XVII. An, & quomodo incurrant eandem poenam suspensionis?

XVIII. An suspensio relaxata per Episcopum contra nonnullos Canonicos sustineatur, in casu &c.

XIX. An sustineatur edictum Episcopi, quo sub poena suspensionis ipso facto praecipitur, quod Canonici non possint frui absentia trium mensium à Sacro Concilio Tridentino concessorum tempore Adventus, & Quadragesimae?

XX. An sustineatur idem edictum Episcopi, quo sub eadem poena praecipitur, ut ultra tertiam partem non possint simul frui dicta absentia trium mensium, & quatenus negative?

XXI. An, & in quo numero liceat eis abesse?

XXII. An sustineatur aliud edictum Episcopi, quo sub eadem poena suspensionis praecipitur, ut Epistola in missa conventuali canatur ab uno ex Canonicis choro inserventibus, sive potius sit servanda consuetudo canendi dictam Epistolam per Clericum inserventem Celebrantem?

XXIII. An Procurator Capituli possit abesse à servitio chori ex causa sui officii per quinque menses, juxta praescripta in statutis ipsius ecclesiae cathedralis?

S. C. C. die 23. Augusti 1727. respondit: Ad 1. affirmative, si Episcopus fruitur praebenda canonicali ad 2. esse certiorandum per Canonice Secretarium, vel alium Canonicum sub poena tamen nullitatis adus in casu contraventionis: ad 3. negative sub poena ducatorum quinque tantum in casu contraventionis, & in subsidium suspensionis: ad 4. provisum in tertio: ad 5. poenam esse reducendam ad solutionem unius dacati pro qualibet vice: ad 6. affirmative quoad primam partem, & negative quoad secundam: ad 7. Episcopum curare debere, ut quanto citius se expediat à S. Visitacione ad formam Concilii: ad 8. poenam esse reducendam ad ducata quinque: ad 9. edictum esse observandum in diebus tantum solemnibus: ad 10. affirmative quoad primam, & secundam partem, & negative quoad tertiam: ad 11. servandam esse consuetudinem: ad 12. ut ad proximum: ad 13. negative: ad 14. hortandos esse, sed non cogendos: ad 15. negative ad primam partem, affirmative quoad secundam: ad 16. non sustineri nisi in subsidium: ad 17. raris provisum in procedenti: ad 18. negative: ad 19. affirmative: delatis verbis, Ipso facto: ad 20. ut ad proximum: ad 21. raris provisum in procedenti: ad 22. Missam Conventualem esse canendam cum Diacono, & Subdiacono: delata poena suspensionis:

ad 23. negative, sed tantum abesse posse pro tempore necessario pro suo Officio explendo.

ALEXANDRINA, in qua ad seq. dub.

I. An confraternitas S. Mariae Misericordiae, & S. Rochi civitatis Alexandriae, aggregata Archiconfraternitati S. Rochi Urbis, possit sine licentia, & interventu Parochi, exponere in suo oratorio Lignum S. Crucis?

II. An eadem confraternitas possit pariter sine licentia, & interventu Parochi, exponere in suo oratorio Sanctissimam Eucharistiam, in casu &c.

Sac. C. C. die 11. Februarii 1728. respondit: Ad utrumque affirmative accedente licentia Episcopi, & amplius.

BONONIEN. in qua ad sequentia dubia.

1. An Parochus pro tempore ecclesiae S. Mamantis debeat esse Pater Spiritualis confraternitatis S. Mariae de Libertate, vel potius, an jus eligendi sibi Patrem Spiritualem amovibilem pertineat ad eandem confraternitatem.

2. An Parochus invitari debeat, ut praesideat congregationibus faciendis pro dispensatione dotis relictae ab Angelo Michaele de Vabotis, seu &c. & cum juscumque imposterum relinquenda, necnon in his, quae concernunt temporalia, ac rerum oeconomiam?

3. An Parochus invitari debeat, ut praesideat congregationibus faciendis tam in imbussulationibus, & extractione Priorum, & Officialium, quam in redditione rationum?

4. An Parochus invitari debeat quibuscumque congregationibus versantibus circa spiritualia, & ritum?

5. An Parochus interesse possit, si velit, in praemissis congregationibus, in quibus decisum erit, invitandum non esse?

6. An confraternitas independentem à Parocho expleat possit quascumque functiones in propria ecclesia?

7. An pro solitis exercitiis spiritualibus peragendis à confraternitate à die Dominicae Ascensionis ad diem festum S. Michaelis Archangeli Septembris ultra licentiam Ordinarii, requiratur etiam consensus Parochi, in casu &c.

8. An praestanda sit elemosyna Parocho, vel alteri per eum deputando Celebranti missam, tam pro consecratione quam pro consummatione Sanctiss. Sacramenti exponendi in hujusmodi exercitiis, in casu &c.

9. An Parochus dando benedictionem cum Venerabili Eucharistia Sacramento, quidquam praetendere possit, ut tradatur ecclesiae parochiali, seu potius id gratis agere debeat?

10. An Parochus, vel interveniens ad canendam missam, vel ad dandam benedictionem, habeat jus sibi eligendi Diaconum, Subdiaconum, ceterosque Ministrorum?

11. An confraternitas occasione dictorum exercitiorum quaerere possit per ecclesiam pro animabus Purgatorum, & quatenus affirmative, cui cedere debeant elemosynae?

12. An missae cum praedictis elemosynis celebrari debeant in ecclesia confraternitatis, vel potius in ecclesia parochiali.

13. An festis diebus SS. Jacobi, & Anne, in quibus exponitur in ecclesia confraternitatis Imago S. Mariae de Libertate, cum Indulgentia Plenaria, Parochus impedire possit, ne ibidem administrantur Sacramenta Penitentiae, & Eucharistiae?

14. An confraternitas ultima Dominica Septembris ducere possit processionem cum praedicta imagine ad plateam magnam civitatis cum assistentia Parochi, vel eo deficiente, proprii Capellani, ac Populo benedicere tam in dicta platea, quam sub stillicidio proprii ecclesiae, & intus eandem?

S. C. Concilii die 15. Maii 1738. respondit: Ad 1. negative, quoad primam partem, affirmative quoad secundam cum approbatione tamen Ordinarii: ad 2. negative: ad 3. affirmative: ad 4. recurrant in casibus particularibus: ad 5. provisum in superiori: ad 6. affirmative, dummodo non sint prohibita à decretis generalibus: ad 7. negative: ad 8. negative, & missae esse celebrandas absque elemosyna: ad 9. negative ad primam partem, & affirmative quoad secundam: ad 10. negative: ad 11. quoad primam partem, affirmative de licentia Ordinarii, & elemosynas esse erogandas in suffragium animarum Purgantium: ad 12. erogandas quoad primam partem, negative quoad secundam: ad 13. negative, & serventur constitutiones synodales: ad 14. affirmative, accedente tamen licentia Ordinarii, & comitante Parocho, vel alio Sacerdote de ejus licentia.

FOROSEMPRONIEN. in qua ad seq. dub.

125 An collegio, & ecclesiae S. Caroli PP. Clericorum Regularium S. Pauli Barnabitarum Forosempronii competat jus tumulandi, in casu &c.

S. C. Concilii die 19. Junii 1728. respondit: affirmative.

THEANEN. in qua ad seq. dub.

126 I. An jus nominandi Concionatorem quadragesimalem ex ordine S. Dominici spectet Universitati Conchae, seu potius Episcopo Theanen. & quatenus affirmative quoad primam partem.

II. An dicta Universitas teneatur per duos menses ante initium quadragesimae exhibere Episcopo nominationem d. Praedicatoris, in casu &c.

III. An Praedicator, ut supra nominatus ex Ordine S. Dominici, & à suis Superioribus Regularibus approbatus, teneatur reportare ab Episcopo licentiam, & literas patentes, seu potius petere solam benedictionem, in casu &c.

IV. An idem Praedicator teneatur praedicare in ecclesia collegiata parochiali, seu potius in ecclesia SS. Annuntiationis sui Ordinis, in casu &c.

V. An idem Praedicator teneatur saltem in aliquibus diebus quadragesimae praedicare etiam in aliis ecclesiis ejusdem loci, in casu &c.

VI. An Episcopus Theanen. potuerit prohibere Concionatori, ut supra electo, & nominato ab universitate, ne praedicationem haberet in ecclesia SS. Annuntiationis sui Ordinis, in casu &c.

S. C. Concilii die 19. Junii 1728. respondit: Ad 1. affirmative quoad primam, negative quoad secundam partem: ad 2. & 3. affirmative: ad 4. teneri in utraque juxta solitum: ad 5. ut in quarto: ad 6. provisum in superioriibus.

LUCANA, Legati Pii, in qua ad seq. dub.

127 I. An Legatum unius feruli singulis hebdomadis factum PP. Capuccinis, sit perpetuum, in casu &c. & quatenus affirmative.

II. An sustineatur, in casu &c. & quatenus affirmative.

III. An onus praestationis dicti Legati qualibet hebdomada sit transferendum in Capellaniam erigendam?

S. C. Concilii die 31. Julii 1728. respondit: Ad 1. affirmative: ad 2. servetur Decretum R. Fabricae anni 1633. ad 3. affirmative juxta votum Episcopi, & firma remanente obligatione bonorum hereditariorum in casu diminutionis.

ORITANA Funerum, in qua ad seq. dub.

128 I. An inortuaria, quae deferuntur accensa per viam circa Cadaver, spectent ad Reverendissimum Capitulum Collegiatum, an vero ad PP. Capuccinos?

II. An dicti PP. Capuccini teneantur solvere dicto Rever. Capitulo uti Parocho habituali quartam funeralem de omnibus Cereis ad tenorem Bullae SS. Domini Nostri, quae incipit: Romanus Pontifex?

Sac. C. Concilii die 12. Februarii 1729. respondit: Omnia spectare ad PP. Capuccinos, dempta quarta & amplius.

BURGI S. DONNINI, in qua ad seq. dub.

129 I. An pro dote Beneficiorum, vel Capellaniarum cum perpetuo onere missarum erigendarum, sint assignandi fructus Terrarum fructiferarum, vel potius annui census?

II. An dato praeepto Testatoris erigendi Beneficia cum perpetuo onere missarum erigendarum, sint assignandi fructus Terrarum, vel cum dote pecuniae numeratae deur pro assignanda dicta dote defectio Terrarum, vel quatenus negative.

III. An tanta danda sit ab haerede summa pecuniarum, ut in Terris inventita constituantur fructus congrui pro sustentatione onerum missae quotidianae in perpetuum?

IV. An, & in qua summa constituendi sint fructus pro sustentatione oneris missae quotidianae in perpetuum?

V. An, & cujus expensis haereditis scilicet, vel Legatarum facienda sit erectio Beneficiorum?

S. C. C. die 30. Aprilis 1729. respondit: Assignanda esse tot bona stabilia hereditaria, quae aestimata juxta morem regionis quotannis redderent in fructu annua Scuta 70. moneta, tam pro elemosyna missarum, quam pro expensis necessariis pro illarum celebratione, & erectionem esse faciendam expensis haereditis.

MACERATEN. Utensilium, in qua ad seq. dub.

130 I. An ad tenorem resolutionis captae die 14. Aprilis 1685. Sacerdotes Seculares celebrantes recepta elemosyna in Ecclesia PP. Minorum Conventualium Montis Milonis, teneantur solvere ceram, & consumptionem Indumentorum Sacrorum, & quatenus affirmative.

II. An dicti Sacerdotes Seculares scribere teneantur in libro in Sacristia assertivo ipsos celebrasse, vel pro elemosyna, vel pro mera eorum devotione?

Sac. C. Concilii die 14. Maii 1729. respondit: Ad 1. affirmative: ad 2. affirmative, & servetur Constitutio San. Mem. Innocentii XII. super celebratione missarum, & amplius.

CAPUTAQUEN. in qua ad sequentia dubia.

131 I. An Presbyteri Ecclesiarum Parochialium S. Nicolai, & S. Andreae Apostoli teneantur quotidie canere Missam, & ad recitationem Divini Officii in Choro? & quatenus affirmative.

II. An non interessentes subijci possint punctaturae, & quomodo illa sit regulanda?

III. An teneantur ad recitationem divini Officii cum habitu talari, birreto clericali, & cotta, tam in diebus festivis, quam feriatis?

IV. An ad celebrationem Missae matutinae in diebus festivis teneantur idem Presbyteri per turnum, vel potius Parochus tantum, illamque applicare pro Populo? & quatenus affirmative ad primam partem.

V. An Presbyter celebrans Missam matutinam teneatur Fidei rudimenta, & Evangelium Populo explanare, vel potius idem Parochus?

VI. An iidem Presbyteri participantes de Decimis praedialibus teneantur per turnum assistere cuilibet Moribundo, juxta Decretum Episcopi, vel potius teneantur tantum copadjuvare eundem Parochum, ejusque Substitutum in concursu, seu copia agrotantium?

VII. An illi, qui assistere renunt, sint puniendi super eisdem decimis.

Sac. Congreg. Concilii die 14. Maii 1729. respondit: Ad 1. affirmative, & supplicent pro moderatione servitii: ad 2. Dilata: ad 3. affirmative: ad 4. negative quoad primam, & affirmative quoad secundam partem: ad 5. teneri Parochum: ad 6. Presbyteros hortandos, sed non cogendos nisi in casu necessitatis: ad 7. affirmative in casu necessitatis.

BRUGEN. in qua ad seq. dub.

132 An toleranda sit consuetudo immemorabilis de praestando Convivio per Capellanum noviter receptum, seu potius improbanda, in casu &c.

Sac. Congreg. Concilii die 3. Septembris 1729. respondit: Negative quoad primam partem, & affirmative quoad secundam, & ad mentem.

NULLIUS, seu Montis Casini, distributionis subditorum, in quo ad sequentia dubia.